

**ANIMALIAK EDUKI  
ETA BABESTEKO  
UDAL ORDENANTZA  
ARAUTZAILEA**

## **AURKIBIDEA**

SARRERA

I. IDAZPURUA	HELBURUAK, DEFINIZIOAK ETA ESPARRUA
	I. ATALBURUA      HELBURUAK ETA APLIKAZIO-ESPARRUA
	II. ATALBURUA      DEFINIZIOAK
II. IDAZPURUA	ARAU OROKORRAK
	III. ATALBURUA      IZAERA OROKORREKO ARAUAK
III. IDAZPURUA	LAGUNTZAKO ZAKUR ETA KATUAK
	IV. ATALBURUA      ERROLDA ETA IDENTIFIKAZIOA
	V. ATALBURUA      OSASUN-KONTROLA
	VI. ATALBURUA      ANIMALIAK TOKI PUBLIKOETAN IBILTZEA
	VII. ATALBURUA      BILKETA-ZERBITZUA
IV. IDAZPURUA	HONAKO HAUEK BETE BEHARREKO ARAUAK
	VIII. ATALBURUA      HAZTEGIEK
	IX. ATALBURUA      SALTOKIEK
	X. ATALBURUA      KONSULTATEGIEK, KLINIKEK, ...
	XI. ATALBURUA      BEHIN-BEHINEKO JARDUEREK

V. IDAZPURUAZIGOR-ARAUBIDEA

XEDAPEN DEROGATZAILEA

AZKEN XEDAPENA

## **I. IDAZPURUA HELBURUAK, DEFINIZIOAK ETA ESPARRUA**

### **I. ATALBURUA HELBURUAK ETA APLIKAZIO-ESPARRUA**

#### **1. Atala**

Animali mota guztien, hau da, laguntzakoen eta laguntzakoak ez direnen, edukitza arautzeko helburua du, horien eta pertsonen arteko elkarbizitza eta ingurunearen osasunerako eta pertsona eta ondasunen lasaitasun, osasun eta segurtasunerako izan daitezkeen arriskuak harmonizatuz.

Halaber, tratu, higiene, elikadura, babes, exhibizio, garraio eta identifikazioari dagokienez, animaliek jaso beharreko gutxienezko arreta eta animalien eta pertsonen arteko elkarbizitza ere arautzen ditu.

Animaliak aldi batez edukitzen dituzten establezimenduek bete beharreko arauak eta albaitaritza-kontsultategi, -klinika zein -ospitaleen eta animali saltokien baldintzak eta ezaugarriak ezartzen ditu.

Azkenik, arau-haustea eta zigor aplikagarriak zernolaketu eta prozedura zigortzailea ezartzen du.

#### **2. Atala**

Ordenantza honen esparru geografikoa Eibar, Ermua, Mallabia, Soraluze, Elgoibar, Mendaro, Deba eta Mutriku da, zehatzago esanda, horien hiriguneak.

#### **3. Atala**

Ordenantza honetatik kanpo geratzen dira animaliek parte hartzen duten eta arau berezi batek arautzen dituen jarduera eta ekintzak (ehiza, arrantza, zezenak, ...).

## **II. ATALBURUA    DEFINIZIOAK**

### **– Laguntzako animaliak.**

Gizakiak, irabazizko jarduerarik gabe, batipat etxean helburu ludiko, hezitzaile edo ornamentalarekin edukitzen dituen animalia guztiak, bai etxekotuak bai basatiak.

### **– Ustiapenerako animalia.**

Giza inguruneari egokituriko animalia izanik, gizakiak irabazizko helburuarekin mantentzen dituenak; irabazi horiek, animalietan beraietan eta sortzen dituzten produkzioetan oinarritzen dira.

### **– Animalia basati gatibuak.**

Basati edo gatibutzan jaiorik, gatibu bizitzera behartuta daudenak, nahiz eta etxekotzeko hezibiderik ez izan.

### **– Animalia abandonatua.**

Animalia abandonatutzat jabe, helbide ezagun eta datu horiek jasotzen dituen identifikazio-sistematik ez duena eta erroldan agertzen ez dena jotzen da.

Animalia abandonatutzat hartzen da, halaber, honako kasu hauetan: erroldan agertu arren, bere desagerketa arautegi honek ezartzen dituen epean salatzen ez denean edo bide publikoan jaberik gabe zirkulatzen duenean.

## **II. IDAZPURUA ARAU OROKORRAK**

### **III. ATALBURUAIZAERA OROKORREKO ARAUAK**

#### **4. Atala**

Laguntzako etxeko animaliak etxebizitza partikularretan edukitzea izaera orokorrez baimentzen da, betiere alojamendu-baldintzak, instalazioen egokitasunak eta animalion kopuru eta bolumenak ahalbidetzen badute, bai higiene eta osasunaren ikuspuntutik bai auzokideentzat edo, oro har, edozein pertsonarentzat zein animaliaentzat berarentzat, bere izaeratik eratortzen ez den beste arrisku- edo eragozpen-egoerarik ematearen aldetik.

Animaliak balkoi, garaje, pabiloi, soto, azotea, lorategi edo beste edozein tokitan ohizkotasunez edukitzea edo ikuilatzea debekatuta dago, horien usain, zarata, zaunka eta orroek auzokideak zein oinezkoak molestatu egiten dituztenean.

#### **5. Atala**

Debekatuta dago hirigunean hazkuntzarako ustiapen-animaliak izatea eta animali mota hori etxebizitza partikular, terraza, azotea, ganbariko, garaje, trasteleku, upategi edo patioetan gordetzea edo ikuilatzea.

#### **6. Atala**

Animalia basatiak parke eta zoologikoetatik edo horientzat dauden tokietatik kanpo edukitzeko, espreski horretarako emandako baimena beharko da eta auzokideei enbarazurik edo arriskurik ez sortzeko erantzukizuna hartuko du jabeak. Hortaz, debekatuta dago animalioek kanpo-lekuetan edo publikoarentzat irekita dauden lokaletan aske uztea.

#### **7. Atala**

Animalien jabeak edo edukitzaileak horien ongizate egokirako elikagaiak ematera eta zaintzera behartuta daude, horien gaixotasun eta sendaketen tratamenduari eta Aginteez ezartzen dituzten neurri administratiboak eta osasun-neurri prebentiboak aplikatzeari dagokionez. Halaber, beren espezieari dagokion alojamendua ere emango die.

#### **8. Atala**

Albaitari kolegiatu batek animalia bati pertsonentzat kutsagarria den gaixotasuna diagnostikatu badio eta haren iritziz akabatu egin behar bada, eutanasia sistema bat erabiliko da eta jabeak ordainduko du; halaber, akabatu egingo dira afekzio kroniko sendaezinak izanik, jabeek ondo zainduta ez daudenak.

## **9. Atala**

Animalien babes eraginkorrerako, debekatuta dago:

1.- Eraso-ekintzen bidez edo substantzia toxikoak emanda heriotza eragitea; substantzia toxikoak bide eta guneko publikoetan uztea; animaliei min edo gogorkeriazko ekintzak egitea, hau da, tratu txarrak ematea, bai norbere eta inoren animaliei bai etxeko, etxekotutako eta basatiei bai elkarbitzitzako eta gatibutzakoei.

2.- Antzoki, dantzatoki, filmaketa edo propaganda-jardueretan animaliak erabiltzea, baldin eta horrek kaltea, oinazea edo degradazioa ekartzen badie.

3.- Animalien arteko borroka publiko eta pribatu guztiak edo animaliak akabatu, zauritu eta eraso egiten direneko paradoriak.

4.- Animaliei mozketak egitea, albaitarien ardurapean premia terapeutikoagatik, funtzionaltasunagatik edo arrazaren ezaugarriei eusteko egiten direnak ezik.

5.- Espreski debekatuta dago animaliak bazter uztea.

6.- Aldi baterako zaintzearen bidez –horiek elikatzea barne–, animalia abandonatu gehiago izatea bultzatzea.

7.- Animalien kostuzko transakzioa ez den beste izaera bateko eskurapen batzuen truke sari, eskupeko edo opari gisa ematea.

8.- Adin txikiko eta elbarrituei animaliak saldu, laga edo ematea, horien guraso-boterea edo zaintza dutenen baimenik gabe.

9.- Era guztietako animalien salmenta ibiltaria, behar bezala baimendutako azoka eta merkatuetatik kanpo egiten denean.

10.- Animaliak laborategi edo klinikei saltzea Administrazioaren kontrolrik gabe.

11.- Alkohola, drogak edo farmakoak ematea eta kalte fisikoak edo psikikoak sor ditzaketen manipulazio artifizialak egitea, batipat lehiaketa batean errendimendua

aldatzeko baldin bada.

12.- Babesturiko espezieko animaliak saltzea, baita edukitzea eta exhibitzea ere, legeriak zehazten duen terminoetan.

### **III. IDAZPURUA      LAGUNTZAKO ZAKUR ETA KATUAK**

#### **IV. ATALBURUA    ZENTSOA ETA IDENTIFIKAZIOA**

##### **10. Atala**

Zakur eta katuen jabe edo edukitzaileak behartuta daude horiek identifikatu eta zentsatzera jaio edo eskuratu diren hiletik hasita. Horretaz gain, animalia-aren osasun-kartila izan beharko dute.

##### **11. Atala**

Animaliok ezarpen elektronikoko bidez identifikatuko dira, animalien identifikazioari buruz 1993ko maiatzaren 25eko 109/93 Aginduak ezarritakoaren arabera.

##### **12. Atala**

Udalak Zakurren Zentsoa izango du, Gipuzkoako Foru Aldundiko Abelazkuntza Zerbitzuan dagoen Gipuzkoako Animalien Identifikaziorako Lurralde Erregistroko Zentsoarekin edo Bizkaiko Lurraldeko bere homologoarekin konektatuta egongo dena.

Udala, halaber, urteko aldizkakotasunarekin datu-basearen mantenimenduz arduratuko da eta datuak isilpean gordetzeko erantzukizuna izango du.

##### **13. Atala**

Animalien heriotzagatik izandako bajak, jabe edo edukitzaileek bere al baitariari jakinaraziko dizkiote; honek, halaber, Udalari edo dagokion Lurralde Erregistroari helaraziko dio heriotza gertatu den egunetik hasi eta 10 egunen barruan.

##### **14. Atala**

Lapurto edo desagertuz gero, salatu egin beharko da eta ondoren al baitariari edo zuzenean Udalari jakinaraziko zaio gehienez 10 eguneko epean.

##### **15. Atala**

Helbidez aldatu edo animaliaren edukitza eskualdatzen duten zakur-jabe edo -edukitzaileek, zirkunstantzia horiek al baitariari, Udalari edo dagokion Lurralde Erregistroari jakinaraziko dizkie.

## **16. Atala**

Identifikazio-zerbitzuen, osasun-kartila egitearen eta Zentsoan inskribatzearen kostua jabearen kontura izango da eta urtero zehaztuko da.

## **17. Atala**

Ordenantza honetan abandonatutzat harturiko animaliak, dagokion udal zerbitzuak atxikiko ditu.

## **V. ATALBURUA    ANIMALIEN OSASUN-KONTROLA**

### **18. Atala**

Derrigorrezkoa izaten jarraitzen du jabeek zakurraren osasun-kartila izatea.

### **19. Atala**

Gizaki eta animaliei transmiti dakiekeen gaixotasunen bat diagnostikatu edo horren sintomak aurkitu bazaizkie nahiz gizakiari eraso badiote, Udalak animaliak isolatu edo/eta erretiratzea aginduko du.

### **20. Atala**

Zirkunstantzia partikularrek edo gaixotasunen baten hastapenek hala eskatzen dutenean, Udalak egoki iruditzen zaizkion neurriak hartuko ditu, gizakiaren edo beste animalia batzuen osasunerako arriskugarria izan ez dadin.

### **21. Atala**

Haginka eginez lesioak sortu dituzten katu eta zakurrek, gai honen erantzukizuna duen Osasun Sailari egoki iruditzen zaizkion kontrolak jasango dituzte.

## **VI. ATALBURUA ANIMALIAK TOKI PUBLIKOETAN IBILTZEA**

### **22. Atala**

Bide publikoetan eta pertsonak ibiltzen diren beste leku batzuetan, zakurrak lepoko eta uhaletik helduta eramango dira eta zirkunstantzialki beren jabeen alboan. Mozalaren erabilera udal Agintaritzak ezarriko du zirkunstantziak hala eskatzen dutenean eta inoiz haginka egin badute edo arriskugarriak direla jakiten bada.

### **23. Atala**

Animaliak ezin izango dira honako leku hauetan sartu:

A. -Edozein motatako elikagaiak fabrikatu, biltegitatu, garraiatu edo saldu egiten diren lokaletan.

B.- Ikuskizun publiko, kiroleko, kultural edo jolaserako lokaletan, zein igerileku publiko eta osasun-zentroetan, animaliak funtsezkoak diren txapelketa, lehiaketa eta ikuskizunak daudenean salbu.

C.- Ikastetxeetako geletan, burutzen ari diren prestakuntza-prozesuetan animalioek erabili behar ez badira, Zuzendariaren edo Ikastetxeko arduradunaren erantzukizunarekin.

Establezimendu horien titularrek, debeku-seinaleak jarriko dituzte ondo ikusteko tokian.

### **24. Atala**

Ostalaritzako establezimendu publikoetan, hala nola, hotel, pentsio, jatetxe, taberna, kafetegi eta antzekoetan, beren iritzien arabera, jabeek animaliak sartzea eta egotea debeka dezakete. Edonola ere, animaliak identifikatuta eta uhalez lotuta egotea eta, animaliaaren ezaugarriek zein izaerak hala eskatuz gero, mozala eramatea exigitu beharko dute, baina betiere, gaixotasun-sintomarik zein garbitasun-faltarik agertzen ez badute.

Ez dute elikadurak egin eta manipulatzeko diren tokietan sartzerik izango.

### **25. Atala**

Hondartzetan etxeko animaliak ibili edo egoteari dagokionez, horietarako sarreretan espreski adierazten denari jarraituko zaio; neguan, ostera, baimenduta dago.

## **26. Atala**

Toki komunitario pribatuetan (hala nola, kultur zein jolas-elkarte, auzokideen erabilera amankomuneko ingurune eta abarretan) animaliak sartu eta egoteari dagokionez, erakunde horien araei jarraituko zaie.

## **27. Atala**

Animaliekin doazen pertsonak igongailua erabiltzeari dagokionez, beste pertsona batzuekin batera erabiltzea tokatzen denean, ez da aparatua batera erabiliko beste horiek nahi ez badute.

## **28. Atala**

Debekatuta dago animaliak garraibide publikoetan eramatea, pertsonentzako eta helburu horretarako esparrua fisikoki banatuta dutenetan ezik. Poltsa, saski edo antzekoetan inmovilizatuta badoaz, berriz, garraiatu ahal izango dira. Garraibidea taxia bada, ibilgailuaren titularrak esaten duenari jarraituko zaio.

## **29. Atala**

Zakur itsuarrekoei gagozkiolarik, zeregin horretan aritu eta osasun-baldintza egokiak izaten badituzte, aipaturiko debekuetatik salbuesten dira, elikagaiak egin, biltegitatu edo saltzen diren tokietara sartzetik ezik, betiere gaixotasun- zein oldarkortasun-zantzurik eta garbitasun falta nabari ez bazaie eta pertsonen osasunerako arriskugarriak ez badira.

Zakur itsuarrekoei lagundurik doazen pertsona elbarrituak garraibide publikoetan sar daitezke.

## **30. Atala**

Debekatuta dago zakurren gorotzak bide eta plaza publikoetan, haur-parkeetan eta, oro har, apaindura-tokietan zein pertsonak dabiltzan lekuetan uztea. Beraz, zakurrak eramaten dituzten pertsonak galtzadara, zehatzago esateko, zintarri edo bordilo ondora eta estolderiaren isurbide batetik ahalik eta toki hurbilenera, eta Udalak horretarako prestatuturiko inguruneetara gidatuko dituzte animalioak.

Hala eta guztiz ere, gorotzak espaloietan edo oinezkoak dabiltzan tokietan eginez gero, jabeak edo animalia daraman pertsonak horiek kentzeko erantzukizuna du. Gorotzak poltsa iragazkaitz eta itxietan sartu eta zakarrontzi edo Udal Zerbitzuek adieraziriko beste edukiontzi batzuetara, etxeko zaborra biltzeko poltsetara edo zuzenean estolderiaren isurbidera botako dira.

Zakurren batek bide publikoa zikinduz gero, hiritarrek animalia jabe edo edukitzaileari, egindako kaltea berehala konpon dezala eskatzeko ahalmena dute.

### **31. Atala**

Udala, aurrekontuaren arabera eta egoki irizten dionean, lorategi eta parke publikoetan zakurrak ilbili eta jostatzeko espazio egokiak prestatzen ahaleginduko da. Bestalde, laguntzako animalien gorotzetarako beharrezko ekipamendua jarriko du bide publikoan, kokapena seinالاتu eta adierazita.

### **32. Atala**

Animalia jabeak bide edo lokal publikoan egon edo ibiltzeak 3. pertsonari eta ondasun pribatuari zein publikoari ekar diezazkiekeen kalte-galeren erantzukizuna izango du.

## **VII. ATALBURUA**

## **BILKETA-ZERBITZUAK**

### **33. Atala Animalia hilak**

Udalak, Mankomunitateak ematen duen zerbitzuaren bidez, animalien gorpuak jasoko ditu bide publiko, hondartza eta ibai ertzetatik, Lurzoruaren Legearen arabera lurzoru ez urbanizagarri kalifikaturikoetan daudenak ezik.

Gorpua etxebizitza partikular, albaitaritza-klinika edo establezimendu batetik lekualdatu behar bada, jaso egingo da, baina ezarritako tasen menpe.

### **34. Atala Zakur eta katu abandonatuen kontrola**

1.- Animalia abandonatutzat jaberik ez izateaz gain, zentsatua ez daudena hartuko da, eta zentsatua badago, desagertu dela salatzen ez denean.

2.- Herrian edo hiriarteko bideetan barrena jabe edo laguntzailerik gabe dabilzan zakurrak, horretarako dauden eskualdeko zerbitzuek jaso eta eskualdeko zakurtegia eramango dira.

3.- Zakurtegia behatu egingo dira animaliak gutxienez hogeita hamar lanegunetan. Ondoren, jabeek jaso ahal izango dituzte; horretarako, jabeak direla frogatzeaz gain, zigorra eta udalek urtero ezarri eta argitaratuko dituzten gastuak ordaindu beharko dituzte.

4.- Albaitaritza Aginte eskudunen iritziz, osasun- edo arriskugarritasun-zirkunstantziek hala aholkatzen dutenean, epe hori hogeita lau orduz jaitziko da.

5.- Epe horretan jabeek jaso ez badituzte edota dagozkien eskubideak ordaintzeari uko egin badiote, eskatzen duen edozeinen eskuera geldituko dira, baldin eta animalia osasun- eta administrazio-egoera erregulatuko duela agintzen badu.

6.- Animalia identifikatuta badago, zakurtegitik beharrezko gestioak egingo dira jabeari animalia harrapatu dela jakinarazteko.

7.- Besterik ezean, akabatu egingo dira albaitari baten kontrolpean eta eutanasia bidez, edo eskatzen duten Animalien Babeserako Elkarteei izaera zientifikoko zentro zein erakundeei emango zaizkie; horretarako, Albaitaritza Zerbitzu eskudunek, baimena emateaz gain, txostena egingo dute, eta garraioaren gastuak beste horien kontura izango dira.

8.- Beren lana egiten ari direnean, lakilariek Aginte Agentaritza oniritzia izango dute eragin guztierako.

## **IV. IDAZPURUA      ANIMALIAK ALDI BATEZ EDUKITZEN DITUZTEN ESTABLEZIMENDUEK BETE BEHARREKO ARAUAK**

### **35. Atala**

Atal honek barne hartzen ditu:

A.- Haztegiak, trebakuntza-zentroak eta egotetxeak.

B.- Animalia saltokiak.

C.- Albaitaritzako kontsultategi, klinika eta ospitaleak.

D.- Udalerrietako aldizkako jarduerak (zirkoak, zoo ibiltariak, ...).

### **36. Atala**

Jarduera horiek, Jarduera Nekagarri, Osasungaitz, Kaltegarri eta Arriskugarrien Araudiak zehazturikoaren arabera Udal Baimena izan eta Abelazkuntzako Foru Zerbitzuaren Erregistroan jasota egon behar dute.

## **VIII. IDAZPURUA      HAZTEGI, TREBAKUNTZA-ZENTRO ETA ALDI BATERAKO EGOTETXEAK**

### **37. Atala**

Animali haztegi, trebakuntza-zentro eta egotetxeek animalien sarrera eta irteeren Erregistro Liburua izango dute, Osakidetzako Agintarien eskuera egongo dena, eta hiruhilero Udalarari honako datu hauek helaraziko dizkiote: saldutako animaliak eta horien jatorria, espeziea, arraza eta eroslea.

### **38. Atala**

Eraikuntza, instalazio eta ekipoek, garbitasuna ahalbidetzeaz gain, bertan dauden animaliak babestu eta egin beharreko ekintza zoosanitarioak burutzea erraztuko dute. Halaber, animaliak egoki manipulatzeko eta, animalion izaeraren arabera, bizitza-giroa onargarria izatea ziurtatuko dute.

### **39. Atala**

Edateko ura izango dute zentroan dauden pertsona eta animalien kontsumorako, baina instalazioak garbitzeko bestelako urik erabili ahal izango da.

### **40. Atala**

Barruko saneamendu-sarea izango dute, neurri zuzentzaile egokiak dituen, sektoreko araudian ezarritakoaren arabera, gorotzak eta ur-hondakinak kanporatzea errazteko eta osasun publikoan eta higienean sor daitezkeen arriskuak txikitzeko.

### **41. Atala**

Hersgune, lokal eta kaiolak erraz garbi eta desinfekta daitezkeen materialez eta eran egingo dira. Hersgune horiek, animalia-tamainuaren arabera, horien ongizatea bermatuko duen gutxienezko azalera izango dute.

### **42. Atala**

Lokalek, animaliekin erabiltzen diren lanabesak eta animalioek garraiatzeko ibilgailuak garbitu eta desinfektatzeko tresna eta bitartekoak izango dituzte.

#### **43. Atala**

20 animalia bakoitzeko kaiola bat izango dute gutxienez, gaixorik dauden edo egon daitezkeen animaliak isolatu, bahitu edo garbitzeko, eta erraz garbitu nahiz desinfektatzekoak izango dira.

Halaber, animalien gorpuak eta kutsadura sor ditzaketen gaiak suntsitu edo kanporatzeko bitarteko egokiak ere izango dituzte.

#### **44. Atala**

Higiene- eta profilaxi-programa bat egingo dute albaitari tekniko baten laguntzarekin. Bertan, beharrezkoa den guztietan eta gutxienez sei hilero lokalen eta animaliekin erabiltzen diren materialen desinfekzio, desinsektuketa eta desarratoiketa sakona egingo dela jasoko da.

Albaitari Ikuskatzaile Ofizialek, instalazioen eta bertan dauden animalien egoeraren arabera, jardueraren titularrei higiene eta osasunezko urritasunak konpontzeko beharrezko neurriak har ditzatela eskatuko diete.

## **IX. ATALBURUA      ANIMALI SALTOKIAK**

### **45. Atala**

Animali saltokiek al baitari aholkularia izango dute, espeziea, arraza, adina, jatorria, inportazioaren baimen-zenbakia, sarrera- eta irteera-egunak, norakoa eta bestelako ohar interesgarriak jasoko dituen animalien sarrera eta irteeren erregistro-liburuaz arduratuko dena. Liburu hori, Udal Agintari Sanitarioen eskuan egongo da eta, hiruhilero, salduriko animalien berri emango zaio Udalari, animalion ezaugarriak eta eroslea zehaztuta.

Animalia biziren bat saltzen duenak dokumentu bat eman beharko dio erosleari. Agiri horrek animalia ezaugarriak, jatorria eta osasun-egoeraren ziurtagiria jasoko ditu. Ziurtagiri horrek ez dio inkubazio-gaixotasunen erantzukizunik kenduko jabeari, nahiz eta saldu zuenean agiri ez.

### **46. Atala**

Animali saltokiek herseguneak, kaiolak edo edukinontziak izango dituzte animaliak egoera onean edukitzeko bestekoak.

### **47. Atala**

Debekatuta dago fauna babestuko animalien salerosketa.

## **X. ATALBURUA      ALBAITARITZAKO      KONTSULTATEGI, KLINIKA ETA OSPITALEAK**

### **48. Atala**

Animalia txikiei kontsulta klinikoak eta tratamendu sanitarioak egiten dizkioten ambulategi-establezimenduak honela sailkatuko dira: Albaitaritzako Kontsultategia, Albaitaritzako Klinika eta Albaitaritzako Ospitalea.

#### – Albaitaritzako Kontsultategia

Kontsultategizat hartuko dira gutxienez harrera-gela eta kontsultarako nahiz sendaketa eta zirugiako ebakuntza txikietarako beste gela bat dituzten tokiak.

#### – Albaitaritzako Klinika

Klinikatzat hartuko dira gutxienez itxarongela, kontsulta-gela eta ebakuntza kirurgiko, instalazio radiologiko, laborategi nahiz bizkortze-aukeretarako gela dituztenak.

#### – Albaitaritzako Ospitalea

Albaitaritzako Klinikarako behar diren baldintzez gain, honako hauek izango ditu: ospitaleratze-gela, eguneko 24 orduetan zaintza sanitarioa duena, eta etengabeko laguntza ospitaleraturiko animaliei.

### **49. Atala**

Establezimendu guztiek Udal Baimena beharko dute eta eraikin isolatuetan edo behetxeetako lonjetan bakarrik kokatu ahal izango dira, Albaitaritzako Ospitaleak ezik; izan ere, debekatuta dute euren jarduera etxebizitzarako eraikinen pisuetan burutzea. Halaber, ezin izango dira hartzaindegietan eta animalien egoitzetan kokatu honako kasu honetan salbu: kontsulten titularraren jabegokoak direnean, gainerako geletatik egoki isolatuta daudenean (gela batetik besterako sarrerarik gabe) eta biek ere eskatzen diren baldintzak betetzen dituztenean.

### **50. Atala**

Albaitaritzako Ospitaleak etxebizitzetatik bereiztuta egongo dira baimena eskuratu ahal izateko. Jarduera horretarako erabiltzen den eraikina, itxia izango da eta ospitale-plaza bakoitzeko gutxienez 20 metro karratuko gunea librea izango du.

### **51. Atala**

Debekatuta dago dendetan eta horien geletan albaitaritzakontsultak eskaintzea bai noizik behin bai akzesorioki bai aldiro-aldiro, eta bereziki botiketako bulego, janari-denda, ostatu, jatetxe, animalia saltoki eta animalien babeserako elkarte edo erakundeen lokaletan.

### **52. Atala**

Ekipamendu eta instalazioek sektoreko arauak eta honako baldintza hauek beteko dituzte:

- Zoruak iragazkaitzak, gogor edo iraunkorrak eta erraz garbitzekoak izango dira.
- Parametro bertikalak gutxienez 1,75 metroraino egongo dira alikatatuta. Gainerakoa eta sapaia, iraupena, garbitasuna eta desinfekzioa ahalbidetzen duten materialez egindakoak izango dira.
- Edateko ur hotza eta beroa izango dute, beroa gutxienez 82° Ckoa.
- Gorpuen kanporaketa eskualdeko zerbitzuaren bidez egingo da.
- Sorturiko hondakinen kanporaketa ontzi itxietan eta estankoetan egingo da, ezarritako arau espezifikoaren arabera.

## **XI. ATALBURUABEHIN-BEHINEKO JARDUERAK**

### **53. Atala**

Era honetako jarduerak burutzeko derrigorrezkoa da beharrezko udal baimenak izatea.

### **54. Atala**

Udal baimenen jabe izateaz gain, jarduera finkoen antzeko higiene eta osasunezko baldintzak bete beharko dituzte, aldi baterako izateak ezartzen dituen salbuespenekin.

### **55. Atala**

Baimen nahiz ziurtagiriei buruzko eta jardueran parte hartzen duten animalien jabetza, osasun nahiz jatorriari buruzko agiri guztiak arauz izango dituzte.

## **V. IDAZPURUA**

## **ZIGOR ARAUBIDEAK**

### **56. Atala**

Ordenantza honen eraginetarako, arau-haustek arinak, larriak eta oso larriak dira.

#### **A.- Arau-hauste arinak**

- Laguntzako animaliak zentsu-identifikaziorik gabe edukitzea, baldin eta derrigorrezkoa bada.
- Animaliak Lege edo Araudietan ezarritakoa bete gabe garraiatzea.
- Zakurren gorotzak bide eta plaza publiko, haur-parke, lorategi eta apaingarritzat eta/edo pertsonak ibiltzeko erabiltzen den edozein lekutan uztea.
- Animaliak laguntza eta zaintza egokia eman ezin zaizkien tokietan izatea.
- Animaliei tratu txarrak ematea.
- Ordenantza honetan eta gainerako lege eta arauzko xedapenetan jasotzen diren obligazioak eta debekuak ez betetzea, horien izaera kausa beste kalifikazio bat behar dutenak salbu.

#### **B.- Arau-hauste larriak**

- Animaliak beharrezko elikadura edo osasun-laguntzarik gabe eta, higiena- eta osasun-ikuspuntutik, egokiak ez diren instalazioetan edukitzea.
- Albaitariaren kontrolrik gabe edo Lege eta Araudietan ezarritako baldintzak kontutan hartu gabe, animaliak antzutzea, mozketak egitea eta akabatzea.
- Bide publikoan animalien gorpuak bazter uztea.
- Zakurtegian jasota dagoen animalia norbere jabegokotzat identifikatuz gero, horretaz arduratzeari uko egitea.
- Norbere jabegoko animalien bilketa- eta zaintza-zerbitzuen tasak ez ordaintzea.
- Lakilari ofizialen lana, dagokiena egiten ari direnean, oztopatu edo kaltetzea.
- Txertoak edo derrigorrezko tratamenduak ez ematea.

- Animaliak baimenik gabe saltzea.
- Ordenantza honek eragiten dien animaliak aldi baterako eduki, hazi edo saltzeari buruz Lege edo Araudiek ezarritako baldintzak ez betetzea.
- Animaliei tratu txarra ematea edo erasotzea, beharrezkoak ez diren oinaze, lesio edo mozketak eginez.
- Animaliei beharrezkoak ez diren oinaze edo kalteak sortarazi dakizkiekeen substantziak ematea, zuzenean edo janarien bidez.
- Kalterik egin dezaketen animaliak zaintzen eta gordetzen behar hainbateko arretarik ez izatea.
- Nabariak eta larriak diren gaitzak eta minak izaki, albaitaritza-sorospen egokirik ez ematea animaliei.
- Beharrezko administrazio-baimenik ez duten ikuskizunetan animaliei parte harraraztea.
- Sendetsitako erabaki bidezko zigorra jaso duten hiru arau-hauste arin eginak izatea, zigor-espedientea hasi aurreko bi urteetan.

#### C.- Arau-hauste oso larriak

- Animaliak eraso bidez edo substantzia toxikoak emanez hiltzea.
- Laguntzako edo etxeko animalia bazter uztea.
- Animaliei krudelkeria, tratu txarra edo oinazea eragiten dieten eszenak grabatzea.
- Baimendutako ikuskizunetan parte hartzen duten animaliei anestesia, droga, ... ematea, berezkoa ez duten edozein jokabide lortzearren.
- Janari pozoituak bide eta leku publikoetan uztea.
- Debekatutako ikuskizunetan animaliei parte harraraztea.
- Sendetsitako erabaki bidezko zigorra jaso duten hiru arau-hauste larri eginak izatea, zigor-espedientea hasi aurreko bi urteetan.

## **57. Atala**

Aipatutako arau-hausteei ezarriko zaizkien zigorrak 30,05,-etatik 15.025,30 eurotara bitarteko isunak izango dira, mailakaketa honen arabera:

- Arau-hauste arinak: 30,05,-etatik 300,50,- eurotara
- Arau-hauste larriak: 300,50,-etik 1.502,53,- eurotara
- Arau-hauste oso larriak: 1.502,53,-tik 15.025,30,- eurotara

Zigorren zenbatekoak urtero eta automatikoki eguneratuko dira Kontsumo Prezioen Indizearen arabera eta aurreko urteko zigorraren zenbatekoari aplikatuko zaio.

## **58. Atala**

Zigor-erabakiak arau-haustearekin zerikusia duten animalien bahiketa aginduko du, animalia-aren gorputz-osotasuna bermatzeko beharrezkoa baldin bada.

Bahituriko animaliak Eibarko zakurtegi amankomunitarian edukiko dira eta hirugarren bati emango zaizkio. Jabe berririk aurkitu ezean, akabatu egingo dira Lege eta Araudietan ezarritakoaren arabera.

Arau-hauste larri edo oso larriak eginez gero, instalazio, lokal edo establezimenduei aldi baterako ixteko agindua eman ahal izango zaie: arau-hauste larrietan, gehienez bi urterako eta arau-hauste oso larrietan, gehienez lau urterako; animalia gehiago erosteko debekua ere ezarri ahal izango zaie, gehienez ere lau urtez.

Oso larritzat jotako eta zigorturiko arau-hausteetan hiru urte pasa baino lehen berriro eroriz gero, animaliak hazi, saldu, aldi batean eduki eta trebatzeko behar den administrazio-baimena behin-betiko galduko da.

## **59. Atala**

Isunen zenbatekoa neurtzeko eta aurreko atalean jasotzen diren zigorren iraupena zehazteko, gorabehera hauek hartuko dira kontuan: egindako arau-hausteak gizarte edo osasunean izan duen garrantzia eta sortu dituen kalteak; legez kanpoko irabazi-asmoa eta lorturiko mozkinen zenbatekoa; arau-hausteak behin eta berriz egitea (arau-haustea behin eta berriro egin dela esaten da, administrazio-bidez sendetsitako erabakiz Ordenantza honetan aurrikusten den arau-hausteren bat zigor-espeditentea hasi aurreko bost urteetan egina izateagatik zigortzen denean) eta arau-haustea leporatzean eragin dezakeen beste edozein.

Administrazioarekiko arau-hauste bi edo gehiago osatzen dituzten ekintzak direnean, kopururik handieneko zigorra jarriko da.

## **60. Atala**

Zigor-ahalmena erabiltzeko, dagokion administrazio-espeditentea hasi eta izapidatu beharko da, lege edo arauzko xedapenetan ezarritakoaren arabera.

Udalak izapidatuko ditu zigor-espeditentek eta arau-hauste oso larrienak badira, ahalmena duen Foru Organoari helaraziko dizkio. Horrek ezarritako zigorren zenbatekoa udal kutxetan sartuko da.

Arau-hauste arin eta larrietarako aurrikusitako zigorra ezartzea Alkateari, hau da, Korporazioko Lehendakariari, dagokio.

Ordenantza honetan aurrikusitako edozein zigor ezartzeak ez dakar zigortuak erantzukizun zibilik ez izatea.

Arau-hausteak delitu edo hutsegitezat jotzen diren kasuetan, zigor-eskumenari ekintzen berri emango zaio.

## **61. Atala**

Arau-hauste gehiago izan ez dadin, zigor-espeditentea ireki ondoren, honako bermezko neurri hauek hartu ahal izango dira:

1.- Animalia bategi batek Lege edo Araudiek debekatu duten ekintzaren bat jasan duen susmorik izanez gero, animalia badaezpada bahitzea eta zaintzea; hona hemen animalion ezaugarriak:

- Behar bezala elikatu eta alojaturik ez dauden animaliak.
- Gaixo eta zaurituta egonik albaitariaren tratamendurik ez dutenak.

- Pertsonak kutsa ditzaketen gaixotasunak dituztenak.
- Afekzio kroniko sendagaitz larriak, mozketa mingarriak edota oinaze handiak eta ezinezkoak dituztenak.

2.- Instalazio, lokal edo establezimenduak badaezpada ixtea.

3.- Bermezko neurriek, beroriek hartzeko zegoen zioak jarraitzen duen arte iraungo dute. Animaliak erretiratzea ezin izango da espedientearen sendetsitako erabakitik aurrera luzatu eta prebentziozko itxierak ez du Atalean aurrikusiriko epearen erdia baino gehiago iraungo.

## **62. Atala**

Isunak borondatezko epealdian exigituko dira edota araubide lokaleko arauen arabera premiamendu bidez.

## **63. Atala**

Arau-hauste arinek lau hilera galduko dute indarra; larriek urtebetera eta oso larriek bi urtera.

Zigorrek, berriz, bost urtera galduko dute indarra 3.005,06 eurotakoak baino txikiagoak direnean.

## **XEDAPEN DEROGATZAILEA**

Honako honen aurka datozen Ordenantza, Araudi edo Udal Bando guztiak indargabetuta geratzen dira.

## **AZKEN XEDAPENA**

Ordenantza hau, Gipuzkoa eta Bizkaiko Lurralde Historikoetako Agintaritzen Aldizkarietan behin-betiko onesteko udalbatzaren akordioa argitaratu eta hurrengo egunean jarriko da indarrean.